Pengenalan kepada IHRUM

Mencari yang halal lagi baik merupakan suatu kewajiban ke atas umat Islam. Dalam konteks dunia hari ini, halal tidak lagi hanya dilihat sebagai suatu kepatuhan dalam beragama, tetapi ia telah meliputi segenap aktiviti yang dilakukan dalam kehidupan dan menjadi suatu piawaian pilihan bukan sahaja di kalangan Muslim bahkan orang yang bukan Muslim. Penubuhan IHRUM sebagai institut penyelidikan halal di Universiti Malaya dilihat sebagai titik tolak untuk membangunkan rangkaian sinergi antara para ilmuwan tempatan dan antarabangsa serta menjalankan penyelidikan berkaitan halal secara holistik dalam memangkin ilmu untuk kebaikan ummah sejagat.

[sambungan m/s 3]

Halal : Dari Kaca Mata Islam

Islam dipaksikan dengan hukum dan peraturan yang meliputi seluruh aspek kehidupan manusia seperti hal-hal berkaitan akidah, ibadah, muamalat, jenayah, dan akhlak. Pensyariatannya adalah untuk menjaga kemaslahatan manusia dalam kehidupan. Isu halal merupakan isu yang sangat luas dan tidak statik. Ia akan terus berkembang seiring dengan kemajuan sains dan teknologi yang akhirnya menimbulkan perubahan dalam kalangan masyarakat. Adalah menjadi satu kepentingan untuk memahami konsep halal dan haram sebelum kita benar-benar bertindak. Tidak dinafikan kerajaan Malaysia telah berusaha keras dalam membangunkan industri halal, namun apakah ia seiring dengan kefahaman dan kesedaran masyarakat?

[sambungan m/s 4]

Istihalah: Pengenalan dan Aplikasinya

Pada dasarnya, dalam pertimbangan perspektif fiqih klasik, tiada satu pembahagian yang jelas dilakukan terhadap teori istihalah. Namun, istihalah sebagai sebuah konsep yang berkembang adalah wajar dilakukan pembahagian yang sistematis. Pembahagian ini sesuai dengan prinsip biasa yang terdapat dalam ilmu Usul al-Fiqh. Berasaskan pertimbangan struktur teori istihalah, ia dapat diklasifikasikan kepada dua bahagian utama.

Pertama, istihalah sahih (perubahan diterima). Ia adalah perubahan yang diterima di kalangan ulama. Ia melibatkan perubahan dari satu bahagian kepada bahagian lain melalui agen semula jadi atau tidak semula jadi yang mana bahan akhir yang terbentuk adalah halal. Kedua, istihalah fasidah (perubahan rosak). Ia merupakan proses perubahan yang rosak atau tidak diterima. Proses ini melibatkan perubahan dari satu bahagian yang halal kepada bahan baru yang haram melalui agen perubahan yang halal atau haram. Setelah mengalami proses tersebut, bahan akhir yang terhasil dikategorikan sebagai haram.

[sambungan m/s 5-7]

Isu Makanan Ubahsuaian Genetik (GM food)

Gm food merupakan salah satu produk teknologi kejuruteraan genetik yang melibatkan proses rekombinasi antara pelbagai sumber DNA daripada apa jua hidupan sama ada yang halal mahupun haram. Sebagai contoh, sauris cuba memanipulasi gen babi dan merekombinannya ke dalam DNA hidupan lain seperti lembu demi mewujudkan ciri “istimewa” babi dalam spesis lembu yang baru. Dalam hal ini, gen babi tadi diandraikan telah “terural” dan sehingga menjadi sebahagian genom hidupan tersebut kerana sifat fizikal progeni lembu yang berjaya dihibridkan, dilihat “sama” seperti lembu yang biasa. Namun, adakah andaian ini benar?

[sambungan m/s 8]
Selain daripada bertujuan untuk menyeragakan pengeluaran sijil halal, peruntukan seksyen ini bertujuan, antara lain adalah untuk melerang dan seterusnya mengambil tindakan terhadap mana-mana pihak orang yang bukan berautoriti. Mana-mana pihak yang didapati bersalah melanggar seksyen ini boleh diadili, bagi pertubuhan, tidak melebihi dua ratus ribu ringgit dan bagi kesalahan yang kedua atau yang berikutnya diadili tidak melebihi lima ratus ribu ringgit; atau jika orang itu bukan suatu pertubuhan perbadanan, didenda tidak melebihi satu ratus ribu ringgit atau dipenjara selama tempoh tidak melebihi tiga tahun atau kedua-duanya, dan bagi kesalahan yang kedua atau yang berikutnya, didenda tidak melebihi dua ratus lima puluh ribu ringgit atau dipenjarakan selama tempoh tidak melebihi lima tahun atau kedua-duanya.

HALAL
PENGURUSAN

Pengurusan Penyelidikan Halal

Oleh: Dr. Nor 'Azzah Kamri

Industri halal di Malaysia yang semakin berkembang pesat memberi petanda positif kepada peningkatan tahap kesedaran dan keprihatinan masyarakat Muslim tempatan terhadap produk/perkhidmatan halal. Keprihatinan ini memberi ruangan dan peluang kepada mereka yang terlibat dalam industri halal di negara ini untuk bergiat lebih aktif dalam penghasilan produk/perkhidmatan halal. Situasi ini menuntut kepada satu sistem pengurusan jaminan halal yang efektif dan salah satu elemen terpentingnya adalah aktiviti penyelidikan itu sendiri.


Secara dasarnya, penyelidikan berperanan sebagai penapis, pengujji, pengesah dan penimbang tara dalam penentuan status kehalalan sesuatu produk/perkhidmatan. Melalui penyelidikan berbentuk eksperimental dan hukum, sesuatu produk/perkhidmatan itu diselidiki, diuji dan diikuti secara mendalam daripada pelbagai aspek berdasarkan dalil naqli dan juga dalil 'aqli. Hasil penyelidikan yang mendalam barulah sesuatu produk/perkhidmatan itu dapat dipastikan dan diinterpretkan sama ada benar-benar halal ataupun sebaliknya.

Peranan penyelidikan halal ini hanya dapat direalisasikan apabila falsafah, skop dan etika penyelidikan halal berada di landasan yang betul dan memenuhi piawaian syariat Islam. Falsafah penyelidikan halal bertitik tolak daripada peranan manusia sebagai hamba dan khalifah Allah. Sebagai hamba Allah, manusia dituntut supaya sentiasa beribadah kepada Allah. Untuk itu, aktiviti penyelidikan halal dilihat sebagai salah satu bentuk ibadah kepadaNya dalam usaha mentaati perintah Allah untuk mendapatkan produk/perkhidmatan yang halal. Sebagai khalifah Allah pula, manusia bertanggungjawab untuk memakmurkan muka bumi dan bukan membuat kerosakan, termasuklah dalam aktiviti penyelidikan halal yang membawa manusia kepada kebaikan (maslahah) dan menghindari kemudarat (mafsadah).

Sebagai hamba dan khalifah Allah juga, manusia sentiasa terikat kepada tiga bentuk interaksi iaitu hubungan dengan Allah, hubungan sesama manusia dan hubungan dengan alam. Untuk itu, aktiviti penyelidikan halal hendaklah lebih mendekatkan diri manusia kepada Allah, menyumbang manfaat kepada masyarakat dan menjamin kelestarian ekosistem alam melalui penggunaan sumber-sumber penyelidikan secara berhemah. Dengan demikian, misi kehambaan dan kekhalifahan dapat disempurnakan.

[bersambung]